



ՋԵԿ
ԼՈՆԴՈՆ

ԳԱՅԼԵ

ՄԵՏՆԱՍ 1937
ՅԵՆԵՎԱՆ

ՋԵԿ ԼՈՆԴՈՆ

82.1-93

ՄՏՈՒԿՎԱՄ Է 1961 Ք.

Գ Ա Յ Լ Ը

Նկարները
Լ. ԿԱՊԼԱՆՆԻ

Ռուսերենից արգմանեց
Է. ՀԱՅՐԱՊԵՏԵՍՆԵ

82.1-93
11



ՊԵՏԼՐՈՍ

ՀԻԿՅԵՄ ԿԿ ԿԻՑ ՄԱՆԿԱ-ՊԱՏԱՆԵԿԱԿԱՆ ԲԱԺԻՆ
ՅԵՐԵՎԱՆ 1937

ՓՈՒԳՐ ՅԵՎ ՄԻՋԻՆ ՀԱՍՏԱԿԻ ՅԵՐԵՆԵԱՆԵՐԻ ՀԱՄԱՐ

Չ 1 8 5 9

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ

ՀԱՅԿԱՆ ԳՐԱԴԱՐԱՆ



— Գայլ: Գայլ*): Արի այստեղ, Գայլ,
կանչում եր Մեջը:

Իրվինը յերկու մատը զրեց բերանին
և զիլ սուլոցով շվացրեց:

Նիս բուսականություն ունեցող բլրից
նրանք ճյուղերի շխլոց լսեցին և ուղղաձիգ
պատից քառասուն վոտ բարձրության վրա
յերևացին Գայլի գլուխը և առջևի թա-
թերը: Գայլը թաթերով մի փոքրիկ քար
հրեց և ականջները սրած, հետևեց, մին-
չեվ վոր քարն ընկավ Մեջի վոտերի մոտ:
Հետո նայեց իր տերերին և բերանը բա-
նալով, ժպտաց վերևից:

— Այ դու, Գայլ, Գայլ, մեր հիանալի
Գայլ,— ահամա գոչեցին յերկուսն եր:

Այս խոսքերը լսելիս շան ականջները

*) Շան անունն է:

դիպան գլխին, իսկ գլուխը, կարծես մի անտեսանելի ձեռքի փայփայանքից, խոնարհաբար թեքվեց:

Նրանք տեսան, թե ինչպես Գայլն անհայտացավ թփերի մեջ, անցնելով այն արահետով, վորով իրենք եյին գնում: Մի քանի րոպեյից հետո, շունը վոլորանից արահետը դուրս թռավ: Նրա յետևից մանրիկ քարերի և հողի հեղեղ թափվեց: Տղամարդը շոյեց շան ուսը և քորեց ականջները, իսկ կինը փայփայեց մի քիչ ավելի և Գայլը վազեց նրանց առջևից—արահետով, հազիվ գետնին դիպչելով, առանց վորևէ ջանքի, ինչպես իսկական գայլ:

Թե մարմնի կազմությամբ և թե բրդի յերկարությամբ, դա մի իսկական մեծ անտառային գայլ էր: Միայն գույնը շան գույնի էր նման: Գայլերն այդ գույնի բուրդ չեն ունենում—մութդարչնագույն, կարմրադեղին բծերով: Կողքերին դարչնի գույնը հետզհետե գունատվում էր և փորի վրա փոխվում դեղինի: Վզի և թաթերի վրա գտնվող սպիտակ բծերը կեղտոտ տեսք եյին տալիս, վորովհետև դարչնի գույնն այնուամենայնիվ թափանցում էր նրանց միջով: Աչքերը վոսկուղ նման փայլելում եյին:

Տղամարդն ու կինը շանը շատ եյին

սիրում: նրանք չափազանց ուժեղ եյին սիրում նրան, գուցէ այն պատճառով, վոր նրանց համար շան մտերմությունը ձեռք բերելը հեշտ չեր:

Գայլը նրանց փոքրիկ լեռնային տնակում հայտնվեց, հայտնի չէ թե վորտեղից: Շունը սոված եր ու տանջված և նրանց աչքի առջև մի ճագար կերավ: Հետո սողաց առվակի մոտ և պառկեց սև հաղարճի թփի տակ: Յերբ Ուոտ Իրվինը ցած իջավ, վոր մոտիկից դիտի անկոչ հյուրին, շունը մոռացրեց: Նույն ձևով վարվեց շունը, յերբ Մեջը, մի քանի ժամանակից հետո, մի մեծ աման կաթ ու հաց բերավ:

Պարզվեց, վոր Գայլը չափազանց անհաղորդ շուն է, փայփայանք չի սիրում, չի թողնում, վոր իրեն ձեռք տան, իսկույն ժանիքներն է ցույց տալիս և մազերը փշաքաղում: Այնուամենայնիվ նա չեր հեռանում, պառկում, քնում եր առվի մոտ և ուտում այն բոլորը, ինչ վոր բերում եյին, սակայն միայն այն ժամանակ, յերբ մենակ եր մնում: Յերևի այտեղ մնում եր սաստիկ հյուժված լինելու պատճառով: Բայց մի քանի ուրից հետո, յերբ ուժ հավաքեց, նա անհայտացավ:

Սրանով ել պատմությունը կվերջանար,



յեթե Իրվինը գործով նահանգի հյուսիսային կողմը չգնար: Յերկաթուղու մի կայարանում, Կալիֆորնիայի և Որեգոնի միջև, նա պատահաբար նայեց վագոնի պատուհանից և տեսավ, վոր իրենց հյուսրը վագում ե յերկաթգծի մոտով ընկած ճանապարհով, գայլի նման, թուխ, հոգնած, փոշոտ, կեղտոտ, բայց անխոնջ: Շունը յերկու հարյուր մղոն ճանապարհորդութուն եր կատարել:

Մոտիկ կայարանում Իրվինը գնացքից ցած իջավ, քաղաքի ծայրին գտնվող մսավաճառից մի կտոր միս գնեց և թափառականին բռնեց: Գայլը վերադարձավ ծանրոցի վագոնով:

Այսպիսով Գայլը յերկրորդ անգամ տեղավորվեց լեռնային տնակում:

Այս անգամ շանը մի ամբողջ շաբաթ շղթայեցին: Տղամարդն ու կինն անընդհատ հոգում եյին նրա մասին և բացատրում իրենց սերը: Սակայն ոտար ու հեռավոր, վորպես ուրիշ մուլտրակի բնակիչ, ամենանուրբ սիրային խոսքերին շունը պատասխանում եր մոռոցով: Շունը վոչ մի անգամ չեր հաջել:

Նրա մտերմությանն արժանանալը հեշտ խնդիր չեր: Բայց Իրվինն այդպիսի խընդիրներ վճուելը սիրում եր: Նա պատվիրեց

մի վզկապ, վրան մետաղե տախտակ, վորի վրա գրված էր՝ «Վերադարձնել Ուոտ Իրվինին, Գլին Ելեն, Սոնոմի կոմսուլթյուն, Կալիֆորնիա» և վզնոցն անցկացրեց շան վիզը:

Հետո նա շղթան արձակեց և շունն իսկույն անհայտացավ: Մի որից հետո Մենդոչինո կոմսուլթյունից հեռագիրը յեկավ: Քսան ժամվա ընթացքում շունը վազել էր հարյուր մղոնից ավելի, միշտ դեպի հյուսիս և իր վազքը կշարունակեր, յեթե չբռնեյին:

Շանը վերադարձրին ապրանքատար գնացքով: Յերեք ուր շղթայված մնաց, իսկ չորրորդ ուրը, հենց վոր շղթան արձակեցին, իսկույն փախավ:

Այս անգամ Գայլը կարողացավ հասնել մինչև հարավային Որեգոն, բայց այնտեղ ել բռնեցին և վերադարձրին Իրվինին: Մյուս անգամ դեղին թափառականը կարողացավ կտրել Կալիֆորնիայի կեսի յերկարուլթյունը, վողջ Որեգոնի նահանգը, Վաշինգտոնի նահանգի մեծ մասը: Նրա արագաշարժությունն ուղղակի զարմանալի յեր:

Հանգստանալով և սնվելով, շունը նոր ուժով ճանապարհ էր ընկնում: Միշտ դեպի հյուսիս էր փախչում, յենթարկվելով մի ինչ վոր անհասկանալի բնագրի:

Վերջի վերջո, մի շարք անհաջող փախուստներինց հետո, վոր շարունակվեց մի ամբողջ տարի, շունը հաշտվեց անխուսափելիության հետ և վորոշեց մնալ այն տնակում, վորի պատահանների տակ յերբեմն ճագար եր սպանել և առվի մոտ քնել:

Շատ ժամանակ անցավ, մինչև Գայլը թողեց, վոր իրեն շոյեն: Իրվինի և իր կնոջ համար դա մի խոշոր հաղթանակ եր, վորովհետև շունը, բացի իրենցից, վոչ վոքի չեր թողնում, վոր իրեն ձեռք տան: Գայլը շատ խստաբարոյ յեր և տնակն այցելողներից վոչ մեկի հետ չմտերմացավ: Իրեն մոտենալու ամենափոքր վորձին պատասխանում եր խուլ մռուռոցով: Իսկ յեթե վորևե համարձակ մարդ անպատճառ ուզում եր մոտենալ, Գայլի շրթունքները շարժվում եյին, սարսափելի ժանիքները յերևում: Շունն սկսում եր մռուռոցներ: Շրջակայքում գտնվող բոլոր ազարակատերերի շները վախենում եյին Գայլից: Նրանք սովոր եյին սովորական շան մռուռոցին, և յերբեք գայլի մռուռոց չեյին լսել:

Իրվինը վոչ մի կերպ չկարողացավ իմանալ, թե ով ե Գայլի առաջվա տերը: Հարևանուհի որիսրդ Զոնսոնը, վորը նրանց կաթ եր մատակարարում, հավատացնում եր, վոր շունը կլոնդայկից ե:

Սակայն վոչ վոք նրա կարծիքը չէր ժըխ-
տում: Իսկապես վոր Գայլի ականջների
ծայրերը, ինչպես յերևում էր, մի ժամա-
նակ ցուրտը տարել էր, բայց այնքան ու-
ժեղ, վոր մինչև այսոր չէր բժշկվում: Հենց
իր տեսքով ել նման էր Ալյասկայի շներին,
վորոնց նկարը պատահում էր լրագրերում
և ժուռնալներում: Ուտոն ու Մեջը հաճախ
պատկերացնում էյին շան անցյալ կյանքը
հեռու ցուրտ յերկրում: Նրանք չէյին կաս-
կածում, վոր հյուսիսը դեռևս Գայլին դեպի
իրեն էր գրավում: Յերբեմն, մինչև անգամ
գիշերները կամաց լաց էր լինում: Յերբ
փչում էր հյուսիսի քամին և ողբ սառնա-
մանիքոտ էր դառնում, Գայլը չափազանց
անհանգստանում էր և սկսում էր բարձրա-
ձայն և վշտալի վռոնալ: Վոչ մի դեպքում
Գայլը չէր հաջում:

Գայլին ընտանի դարձնելով, Իրվինն ու
Մեջը շատ էյին վիճում այն մասին, թե
իրենցից վորին է պատկանում և վորին է
ավելի սիրում: Յուրաքանչյուրն իր իրա-
վուքն էր պաշտպանում, յուրաքանչյուրը
հպարտությամբ պատմում էր շան կողմից
դեպի իրեն հայտնաբերած քնքշությունը:
Սկզբում առավելությունն Իրվինի կողմն էր,
հենց այն պատճառով, վոր նա տղամարդ

եր: Յերևի Գայլը յերբեք կանանց հետ գործ
չեր ունեցեր: Նա կանանց չեր հասկանում:
Մեջի շրջագգեստը նրա համար լրիվ չափով
ընդունելի չեր: Շրջագգեստի յուրաքան-
չյուր խշոցից Գայլը կասկածելի կերպով
փշաքաղվում էր, և յերբ յեղանակը քամոտ
էր, Մեջը շանը մոտենալու մասին յերբեք
չեր կարող մտածել:

Գայլին կերակրում էր Մեջը: Այն ժա-
մերին, յերբ Մեջը խոհանոցումն էր լինում,
Գայլը յերկար ժամանակ դռան մոտ կանգ-
նած, սպասում էր իր տանտիրուհուն: Յեվ
աստիճանաբար հաղթահարեց իր ատելու-
թյունը դեպի նրա հագուստը: Այս նկատե-
լով, Ուոտը շանը սովորեցրեց իր վոտների
մոտ պառկել, յերբ նա գրում էր, թեև այդ
պատճառով նա ստիպված էր լինում հաճախ
կտրվել աշխատանքից, վոր փայփայի շանը
և խոսի նրա հետ: Վերջ ի վերջ՝ հաղթա-
նակը Ուոտի կողմը մնաց:

Մի անգամ նրանք զբոսնում էյին արա-
հետում: Խիտ աճած ձարխոտի միջից մի
փոքրիկ առու յեր հոսում: Առուն ճանա-
պարհը կտրում էր հենց նրանց վոտների
մոտից: Դաշտից լավում էր արտուտի քրն-
քուշ յերգը: Չորս կողմում դեղին թիթեռ-
ներ էյին թռչկոտում, յերբեմն արեգակի ճա-

ուգայթների մեջ լողալով, յերբեմն սովե-
րում անհայտանալով: Հանկարծներքևից ազ-
մուկ լավեց:

Դա ծանր վոտների դոփյուսն էր, վորին
ժամանակ առ ժամանակ ուղեկցում էր թափ-
վող քարերի աղմուկը: Վոլորանից մի մարդ
դուրս յեկավ: Նրա գլուխը բաց էր: Նա սաս-
տիկ քրտնած էր: Մի ձեռքով նա սրբում էր
իր ճակատը, իսկ մյուս ձեռքին կար մինոր
գլխարկ և ոսլայած ոձիք, յերևի վզից նոր
էր հանել: Մարդը հիանալի կազմվածք ուներ,
թվում էր, թե նրա մկանների ճնշումից
շուտով նոր կոստյումը կճաքվի:

— Տաք որ ե, — ասաց Ուոտը, իբրև բարև:

Մարդը կանգնեց ու գլխով արավ:

— Յես տաքի սովոր չեմ, — կարծես ար-
դարանալով ասաց նա: — Սառնամանիքն ա-
վելի յեմ սիրում:

— Մեզ մոտ սառնամանիքներ չեն լի-
նում, — ծիծաղեց Ուոտը:

— Յես ել այդպես եմ կարծում, պատաս-
խանեց անցորդը:

— Սառնամանիքի չեմ ել սպասի: Յես
միայն ուզում եմ քրոջս գտնել: Կարելի յե
ձեզ հայտնի յե, թե վորտեղ է նա ապրում:
Նրան կանչում են Ջոնսոն, որիորդ Ուել-
յամ Ջոնսոն:



— Դուք նրա յեղբայրը չէք արդյոք, Կլոնդայկից, — բացականչեց Մեջը և նրա աչքերը հետաքրքրութունից վառվեցին: Նա մեզ այնքան է պատմել ձեր մասին...

— Յես ինքս եմ, վոր կամ, — համեստորեն պատասխանեց անցորդը: — Ինձ կանչում են Սկայֆ Միլլեր: Յես վորոշել եմ անակնկալ կերպով հայտնվել...

— Դուք միանգամայն ուղիղ եք գնում: Սա հետևակի արահետ է. — Մեջը ցույց տվեց դեպի ձորը տանող ճանապարհը: — Տեսնում եք այն ծառը, վոր կարկուտը կտարել է: Նրա մոտից ճանապարհը ծովում է դեպի աջ: Սա ձեր քրոջ տունը տանող ամենակարճ ճանապարհն է: Մոլորվել չի կարելի:

— Չափազանց շնորհակալ եմ, տիկին, — ասաց նա:

Նա շուռ յեկավ, կարծես ուղենալով շարունակել ճանապարհը, բայց հանկարծ կանգնեց:

— Մեզ համար շատ հետաքրքրական կլինենք լսել Կլոնդայկի մասին, — ասաց Մեջը: Ձի՞ կարելի արդյոք այցելել ձեզ, քանի վոր դուք ձեր քրոջ հյուրը կլինեք: Կամ, ավելի լավ, չէք գա արդյոք մեզ մոտ ճաշի:

— Շատ շնորհակալ եմ, տիկին, շփոթված կրկնեց նա: Հետո գլխի ընկավ և ա-

վերացրեց:—Միայն թե յես յերկար ժամանակով չեմ յեկել: Յես պետք է վերադառնամ հյուսիս: Յես յերեկոյան գնացքով պետք է ճանապարհ ընկնեմ: Յես, գիտե՞ք, տոմսակ...

Մեջն ասաց, վոր դա շատ ցավալի յե, և նա արդեն առաջ շարժվեց:

Բայց հանկարծ դուրս յեկավ մինչև այդ թփերի մեջ վազվզող Գայլը: Սկայֆ Միլլերի դեմքի արտահայտութիւնը փոխվեց: Նա աչքերը չռած նայում եր շանը և նրա վողջ կերպարանքը մեծ զարմանք եր արտահայտում:

Միս, սատանան տանի,—դանդաղ և հանդիսավոր կերպով ասաց նա:

Նրա ձայնից Գայլի ականջները կախվեցին, իսկ բերանը ժպտուն դարձավ: Նա դանդաղ վազեց անծանոթի մոտ և, հոտոտելով նրա ձեռքերը, լիզեց:

Սկայֆ Միլլերը շոյեց շան գլուխը և նորից դանդաղ ու հանդիսավոր կերպով կրկնեց՝

—Միս, սատանան տանի: Ներողութիւն եմ խնդրում, տիկին,—ասաց նա իսկույն:—Չափազանց զարմացա... ահա թե ի՛նչ...

—Մենք ել զարմացանք,—ձայն տվեց

Մեջը:—Մենք յերբեք չենք տեսել, վոր Գայլն այդպես հանդիպի ոտար մարդկանց:

— Դուք նրան Գայլ եք կանչում, — հարցրեց Սկայֆ Միլլերը:

— Այո: Բայց յես չեմ հասկանում, թե ինչու շունն այդպես սիրալիր ե դեպի ձեզ: չենց նրա համար, վոր դուք Կլոնդայկից եք: Գիտե՞ք, Գայլն ել ե Կլոնդայկից:

— Այո, տիկին, — անուշադրու թյամբ բերնիցը թուցրեց նա: Նա ձեռքն առավ Գայլի առջևի թաթերից մեկը և դիտեց վտաքի տակը, մատերը քսելով: — Փափուկ ե, — ասաց նա: — Յերևում ե յերկար ժամանակ առուցի վրայով չի վազել:


— Այնուամենայնիվ, ասաց Ուոտը, — մի անգամայն անհավատալի յե, թե ինչպես Գայլը թույլ ե տալիս իր հետ այդպես վարվել:

Սկայֆ Միլլերը տեղից վեր կացավ: Քիչ առաջ ունեցած անշնորհքությունից, հետք ել չեր մնացել: Նա կարճ, գործարար ձայնով հարցրեց.

— Վաղճւց ե ձեզ մոտ:

Բայց այդ ըոպելին, շունը հանկարծ գլուխը բարձրացրեց և հաջեց: Դա մի ուրախ հաջոց եր, կարճ, անշնորհք, բայց և այնպես հաջոց: — Այ, սա արդեն ինչ վոր նոր բան ե, — նկատեց Սկայֆ Միլլերը:

А 23276
91232 II
6768 820



Ուտտն ու Մեջը նայեցին իրար: Հրաշքը
կատարվեց: Գայլը հաջեց:

Գայլն առաջին անգամն է հաջում,—ասաց
Մեջը:

— Այո, յես ել յերբեք չեմ լսել,—նկա-
տեց Միլլերը:

Մեջը ժպտաց: Այդ մարդը յերևի, սի-
րում եր կատակ անել:

— Դե, իհարկե,—ասաց նա:— Ձե՞ վոր
դուք նրան առաջին անգամ տեսաք հինգ
րոպե առաջ:

Սկայֆ Միլլերն ուշադրությամբ նայեց
նրան:

— Իսկ յես կարծում եյի, թե դուք գըլ-
խի ընկաք,—հանդարտ ասաց նա:— Դուք
պետք ե գլխի ընկնեյիք, հենց վոր տեսաք
թե ինչպէս ե ինձ հետ վարվում: Սա իմ
շուննն ե: Յե՛վ անունը վոչ թե Գայլ ե, այլ
Շեկլիկ:

— Ո՞, Ուտտ,—աղամա դիմեց Մեջը մար-
դուն:

Ուտտն իսկույն հարձակման դիմեց:

— Ի՞նչ գիտեք, վոր սա ձեր շուննն ե,—
հարցրեց նա:

— Վորովհետև հենց այդպէս ե,—յեղավ
պատասխանը:

— Ինչո՞վ կհաստատեք, — սուր կերպով առարկեց Ուոտը:

Սկայֆ Միլլերն աչքերը հանդարտ ուղղեց նրա վրա և ասաց.

— Իսկ ի՞նչ գիտեք, վոր սա ձեր կի՛նն է: Յերևի կասեք. «հենց այդպես է», իսկ յես ձեզ կպատասխանեմ. «ինչո՞վ կհաստատեք»: Շունն իմն է: Յես եմ նրան մեծացրել: Միթե՞ յես չեմ ճանաչի: Իսկույն դուք ինքներդ կտեսնեք:

— Շեկլիկ, — գուշեց նա: Այդ ձայնից շան աղանջները դեպի գլուխը թեքվեցին, կարծես թե փայփայանքի յեր սպասում: — Գի՛ր: — Շունը կիսաշրջան կատարեց և դեպի աջ ծովեց: — Այժմ դեպի առաջ: — Շունը հանկարծ կանգնեց, հետո առաջ վազեց և կանգնեց միայն այն ժամանակ, յերբ նա կանչեց:

— Կարող եմ և սուրբցով, — հպարտորեն ասաց Սկայֆ Միլլերը: — Շեկլիկը գնում եր իմ լծասարքի առջևից:

— Բայց դուք շանը չե՞ք տանի ձեզ հետ, — դողդոջուն ձայնով հարցրեց Մեջը:

Միլլերը գլխով արավ:

— Վերադառնում եք այն սարսափելի Կլոնդայկը, վորտեղ բոլորն այնպես տանջվում են:

Միլլերը նորից գլխով արավ և ավելացրեց.

— Այնտեղ այնքան ել վատ չէ: Նայեցեք ինձ: Առողջ տղա յեմ, համ:

— Իսկ շներն այնտեղ ի՞նչ նեղություն են քաշում: Այնպիսի ծանր պայմաններ: Հոգնեցուցիչ աշխատանք: Սով, սառնամանիք... Յես կարդացել եմ, յես գիտեմ:

— Մի անգամ քիչ եր մնում, վոր այդ շանն ուտեմ: Փոքրիկ Ջկան գետի մոտ եր, — մռայլորեն արտասանեց Միլլերը: Միայն թե այդ որը մի մուկ բռնեցի և այդ բանը նրան փրկեց:

— Ավելի շուտ յես կմեռնեյի, — բացականչեց Մեջը:

— Այստեղ ուրիշ կյանք ե, — ասաց Միլլերը: — Ինչո՞ւ պիտի այստեղ շուն ուտեք: Իսկ այնտեղ, յերբ գործը հասնի այդ կետին, դուք կսկսեք ուրիշ կերպ դատել:

— Բանն ել հենց այդ ե, — ասաց Մեջը ջերմորեն: — Կալիֆորնիայում շներ չեն ուտում: Ինչո՞ւ Գայլին չթողնել այստեղ: Շունը միշտ բավականին ուտելիք ունի, այդ դուք գիտեք: Շունն այստեղ ցրտից չի տանջվի և ստիպված չի լինի աշխատել: Այստեղ ամեն ինչ տաք ե և մեղմ, թե մարդիկ և թե բունությունը: Վոչ վոք Գայլին չի ծեծի: Իսկ

այստեղի յեղանակը, — մինչև անգամ ձյուն
էլ չի գալիս:

— Սակայն ամառն այրում է, ներողու-
թյուն եմ խնդրում, — ծիծաղեց Սկայֆ Միլ-
լերը:

— Դուք ինձ չեք պատասխանում, — շա-
րունակեց Մեջը: Դուք ինչ կարող եք տալ
շահը հյուսիսում:

— Կերակուր, յերբ յես ունեմ, իսկ մեծ
մասամբ ունենում եմ:

— Իսկ մնացած ժամանակ:

— Մնացած ժամանակը — վո՛չ:

— Իսկ աշխատանք:

— Աշխատանք շատ կա, — ասաց Միլլերը:

— Աշխատանք առանց հանգստի, և քաղցած
կմնա, և կսառչի, և ամեն բան, յեթե Շեկ-
լիկն ինձ հետ գնա: Միայն թե այդ բոլորը
սիրում է: Ընտելացել է: Շունն այնտեղ է
ծնվել ու մեծացել: Դուք այնտեղ չեք յեղել և
մեր կյանքի մասին վոչինչ չգիտեք, իսկ Շեկ-
լիկն այնտեղ իր կյանքից բավական կլինի:

Շունը կմնա այստեղ, — վճռական կեր-
պով հայտնեց Ուոտը: — Մենք վիճելու վո-
չինչ չունենք:

— Այսինքն, ինչպե՞ս թե, — հարցրեց Միլ-
լերն ունքերը կրտելով և կարմրելով:

— Յես ասացի, վոր շունը կմնա այստեղ:

Իս վճոված գործ ե: Յես չեմ հավատում,
թե ձեր շունն ե: Դուք, գուցե, նրան տեսել
եք յերբևիցե: Գուցե մինչև անգամ տի-
րոջից վերցրել եք վորևե ճանապարհոր-
դություն կատարելու համար: Վոր շունը
ձեր կանչերը լսում ե, այդ դեռ վոչինչ չի
հաստատում: Դրանք Ալյասկայի սովորական
կանչերն են: Ալյասկայում յուրաքանչյուր
շուն կլսի այդ կանչերը: Յերևի Գայլը շատ
թանգ արժե, այդ պատճառով ել ուզում եք
տիրանալ: Դուք պետք ե հաստատեք, վոր
նրա տերն եք:

Սառնարյուն կերպով և ինքնագսպու-
թյամբ Սկայֆ Միլերն ուշադրությամբ աչ-
քերով չափեց թուլակազմ բանաստեղծին:
Միայն ճակատն ավելի կնճռոտեց, այտերն
ավելի կարմրեցին, իսկ մկանները, սև մա-
հուղե բաճկոնի տակ, ավելի ուռան:

Վերջապես, նրա դեմքի վրա յերևաց
արհամարհական արտահայտություն և նա
ասաց.

Ճշմարիտ ասե՛մ, թե այս բոպեյիս ինչն
ե խանգարում շունը տանելուն:

Ուտոր կարմրեց և ակամայից բռունցքը
սեղմեց: Սակայն այստեղ մեջ ընկավ Մեջը.

— Կարելի չե պարոն Միլերը ճիշտ ե
ասում.— սկսեց նա: — Նա մինչև անգամ

յերևի ճշմարիտ ե ասում: Գայլը, կարծես, ճանաչում ե նրան և, անկասկած արձագանքում «Շեկլիկ» անվանը: Շունն իսկույն պարոն Միլլերի մոտ վազեց, իսկ այդպիսի բան, դու գիտես, վոր յերբեք չի պատահել: Հիշիր, թե ինչպես եր հաջում: Ուրախուլթյունից իրեն կորցրել եր: Ինչո՞ւ ուրախացավ: Յերևի, նրա համար, վոր հանդիպեց պարոն Միլլերին:

Ուտան անհուսալի կերպով ձեռքը թափահարեց.

— Թերեվս դու ճիշտ ես ասում, Մեջ,— ասաց նա: Գայլը Գայլ չե, այլ «Շեկլիկ» և պատկանում ե պարոն Միլլերին:

— Գուցե պարոն Միլլերը շունը կվաճառի մեզ,— առաջարկեց նա: Մենք կարող կլինենք գնել:

Սկայֆ Միլլերը գլուխը թափահարեց արդեն վոչ թե մարտական, այլ մեղմ, պատրաստ մեծահոգուլթյանը մեծահոգուլթյամբ պատասխանելու:

— Յես հինգ շուն ունեյի,— ասաց նա:— Շեկլիկը սոված եր: Ալյասկայում իմ լծասարքն ամենից լավն եր: Վոչ վոք չեր կարողանում ինձ հասնել: 1898 թվին հինգ շան համար ինձ հինգ հազար դոլար առաջարկեցին, բայց յես մերժեցի: Ճիշտ ե, այն

Ժամանակ շները թանգ եյին: Լծասարքն ել
 ինձ շատ եր դուր գալիս: Իսկ Շեկլիկը հնգի
 մեջ ամենալափն եր: Վերջին ձմռանը Գայ-
 լի համար հազար յերկու հարյուր եյին առա-
 ջարկում: Այն ժամանակ կծախեյի, իսկ հի-
 մա չեմ ծախի: Շեկլիկին շափազանց շատ
 եմ սիրում: Յերրորդ տարին ե, ինչ վորո-
 նում եմ: Յերբ լսեցի, վոր գողացել են, քիչ
 մնաց հիվանդանայի: Սակային վոչ թե փո-
 ղի համար, այլ այն պատճառով, վոր շատ,
 շատ եմ սիրում: Յերբ շանն այտեղ տեսա,
 աչքերիս չհավատացի, կարծեցի թե յերազ
 եմ տեսնում „Հասկանում եք. յես նրան մե-
 ծացրել եմ: Ամեն գիշեր պառկեցրել եմ
 քնելու, փաթաթել եմ: Մայրը սատկեց, յես
 նրան՝ տուփը յերկու դուլարանոց խտաց-
 րած կաթով եյի կերակրում: Խնայում եյի
 կաթն իմ սուրճի մեջ լցնել, բայց նրան կե-
 րակրում եյի: Յես նրա համար մոր փոխա-
 րեն եյի: Պատահում եր, վոր մատս եր ծը-
 ծում — ահա այս մատս:

Յեվ Սկայֆ Միլլերը, հուզմունքից իր
 ճառն ընդհատելով, ցուցամատը բարձրաց-
 րեց:

— Ահա այս մատս, — դժվարությամբ ար-
 տասանեց նա, կարծես թե հաստատելով սե-
 փականության, և շան իր հետ կապված վի-



ներու իրավունքը՝ նա շարունակում էր նա-
յել իր մատին, յերբ խոսեց Մեջը:

— Իսկ շննը, — ասաց նա: — Մտածեցեք
շան մասին:

Սկայֆ Միլլերը զարմացած նայեց նրան:

— Մտածեցեք շան մասին, — կրկնեց նա:

— Չեմ հասկանում, թե ի՞նչ էք ուզում
ասել, — պատասխանեց նա:

— Չե՞ վոր շունն էլ ընտրելու իրավունք
ունի, — շարունակեց Մեջը: — Չե՞ վոր նա յել
կարող է ունենալ իր ճաշակն ու ցանկու-
թյունը: Դուք շան մասին չեք մտածում,
չեք թողնում, վոր ընտրություն կատարի:
Իսկ ինչ կանեք, յեթե նրա համար կալի-
ֆորնիան ավելի լավ լինի, քան Ալյասկան:
Դուք միայն ձեր մասին էք մտածում, իսկ
նրա հետ այնպես էք վարվում, վոր կար-
ծես կարտոֆիլի տոպրակ լինի կամ մի
խուրձ խոտ...

Սա բոլորովին նոր տեսակետ էր: Միլ-
լերն սկսեց մտածել: Մեջն շտապեց ոգտա-
գործել դրությունը:

— Յեթե դուք շանն իսկապես սիրեյիք,
ձեզ համար լավ կլիներ այն, ինչ վոր լավ
է նրա համար, — համոզում էր նա:

Սկայֆ Միլլերը դեռ պայքարում էր իր
դեմ: Մեջը ամուսնու վրա հրճվանքի հա-

յացք գցեց: Մարդը գլխի շարժումով հա-
վանություն տվեց:

— Վերջը,— հարցրեց հանկարծ Միլերը:
Այս անգամ Մեջը շփոթվեց:

— Ի՞նչ եք ուզում ասել:

— Դուք կարծում եք, թե շունը կցան-
կանա մնալ Կալիֆորնիայում:

— Նա գլխով արավ:

— Համոզված եմ:

Սկայֆ Միլերն աչքը շնից չհեռացնե-
լով, մտքի մեջ ընկավ:

— Լավ աշխատող եր: Ինձ համար շատ
լավ եր աշխատում: Յեվ խելոք ե: Ա՛խ, ինչ
խելոք ե: Ամեն բան հասկանում ե, միայն
խոսել չի կարողանում: Իսկ հիմա, տես-
նում եք: Նա հասկանում ե, վոր իր մասին
ենք խոսում:

Շունը պառկած եր Սկայֆ Միլերի վտա-
ների մոտ, դունչը թաթերի մեջ առած, ա-
կանջները սրած, աչքերը մի խոսողից մյու-
սի վրա դարձնելով:

Մի յերկու անգամ Սկայֆ Միլերը
բերանը բաց արավ, կրկին փակեց և վո-
չինչ չասաց: Վերջապես խոսեց:

— Ահա թե ինչ կասեմ ձեզ: Դուք, կա-
րելի յե, ճիշտ ասեցիք, տիկին: Շունն իս-
կապես իր կյանքում շատ ե աշխատել: Կա-

բելի յե, ճիշտ վոր, նա ուզում ե փափուկ
անկողնում քնել: Թող ինքն ընտրի: Ինչ վոր
վորոշի, թող այնպես ել լինի: Դուք յեր-
կուսդ այստեղ նստեցեք, իսկ յես հրաժեշտ
կտամ ու կգնամ: Յեթե կվազի իմ յետևից,
թող գա: Յես նրան չեմ կանչի, դուք ել
չկանչեք:

Նա կասկածանքով նայեց Մեջին և վեր-
ջացրեց.

— Միայն թե ազնվորեն վարվենք: Դուք
նրան ինձնից թաքուն չհամոզեք:

— Մենք ազնվորեն կվարվենք,—ասաց
Մեջը:—Շնորհակալություն, պարոն Միլլեր:

— Ինչո՞ւ համար եք շնորհակալություն
հայտնում,—առարկեց նա: Տեսնենք թե ինչ
կվորոշե Շեկլիկը: Դուք նրա վրա մի նեղա-
ցեք: Յես կամաց կգնամ: Հարյուր քայլ վոր
անեմ, ել չեմ յերևա:

— Իսկ յես խոսք եմ տալիս, վոր նրան
չպահեմ,—ասաց Մեջը:

— Այդպես: Դե, յես գնացի,—հայտնեց
Սկայֆ Միլլերը:

Այս լսելով, Գայլն արագ գլուխը բարձ-
րացրեց և ավելի արագ վտառի յելավ, յերբ
տեսավ, վոր Մեջն ու Միլլերն իրար ձեռք
են սեղմում: Նա յետևի վտանքի վրա կանգ-
նեց, առջևի վտանքով հենվեց Մեջին և

միաժամանակ լիզեց Սկայֆ Միլլերի ձեռքը։
Նույնը կրկնվեց, յերբ հրաժեշտ ելին տա-
լիս տղամարդիկ։

Սկայֆ Միլլերը շուռ յեկավ և արահե-
տով կամաց գնաց։

Սկզբում շունն աչքերով, ուշադիր և աշ-
խուժացած, ուղեկցում էր նրան, յերևի,
նկատի ունենալով, վոր կվերադառնա։ Հետո,
խուլ ձայնով փնգստաց և վազեց նրա յետե-
վից։ Հասավ, շրթունքներով ձեռքը բռնեց և
համառությամբ և քնքշաբար փորձեց կանգ-
նեցնել նրան։

Յերբ այդ չհաջողվեց, Գայլը յետ սլա-
ցավ դեպի այնտեղ, ուր նստած էր Ուոտ
Իրվինը և նրա թևը բռնելով, աշխատում
էր քաշ տալ գնացողի յետևից։

Գայլի վրդովմունքն ուժեղացավ։ Ուզում
էր միաժամանակ յերկու տեղում լինել —
հին և նոր տերերի մոտ, իսկ նրանց մի-
ջև յեղած տարածությունը քանի գնում մե-
ծանում էր։ Նա վրդովված, տանջող անվրձ-
ուականությամբ սլանում էր մերթ մեկի,
մերթ մյուսի մոտ, չիմանալով, թե ինչ
անի և չկարողանալով ընտրել նրանցից մեկն
ու մեկին փնգստում, շնչասպառ էր լինում։

Բայց ահա նա նստեց, դունչը ցցեց, բե-
րանը ջղաձգաբար բաց ու խուփ արավ, ա-



1900

մեն անգամ ավելի լայն բանալով: Ավելի ուժեղ ու հաճախ կրկնվեցին կոկորդի Չղա-
ձգութ յունները, յերբ վերջապես դողդողացին
ձայնակապերը, սկզբում անձայն, այնպես,
ինչպես ձայն է հանում ողբ, ներշնչելիս: Ապա
լավեց ցածր, ամենացածր ձայնը, վոր կա-
րող է ընդունել մարդու ականջը: Այս բո-
լորը վռնոցի նախերգանքն էր:

Բայց այնուամենայնիվ Գայլը չվռնաց:
Նրա լայն բացված բերանը հանկարծ փակ-
վեց և նա սկսեց նայել, հեռացող մարդուց
աչքը չհեռացնելով: Հետո գլուխը շրջեց և
սկսեց անթարթ նայել Ուտտին: Կոչն ան-
պատասխան մնաց: Գայլը չէր լսում վո՛չ
խոսք, վո՛չ ցուցմունք, վո՛չ ակնարկ այն
մասին, թե ինչ անի:

Արդեն ճամփի շրջադարձին մոտեցող հին
տիրոջ վրա աչք գցելով, Գայլը նորից հուզ-
վեց: Նա վտոքի կանգնեց, բայց այդ ժա-
մանակ նրա մեջ նոր միտք հղացավ և նա
դարձավ դեպի Մեջը: Մինչև այժմ շունը
նրա վրա ուշադրութ յուն չէր դարձնում,
իսկ այժմ, յերբ յերկու տերերն էլ իրեն
ոգնելուց հրաժարվեցին, իր ամբողջ հույսը
նրա վրա յեր դրել: Մոտեցավ Մեջին և գը-
լուխը թաղեց նրա ծնկների արանքում, քի-
թը դիպցնելով նրա ձեռքին: Շունը հա-

ճախ եր այդ միջոցին դիմում, յերբ ուզում եր վորեւէ բան խնդրել: Հետո հեռացավ և սկսեց խաղալ, ցատկելով և կուշ գալով, ահանջները գլխին դիպցնելով, պոչը պրտտացնելով — մի խոսքով աշխատելով իր ամբողջ կերպարանքով արտահայտել այն, ինչ վոր իրեն անհանգստացնում եր:

Բայց շուտով սրանից ել հրաժարվեց: Նրան տանջում եր այդ մարդկանց սառնությունը, վորոնք առաջ յերբեք դեպի ինքն այսպիսի սառը վերաբերմունք չէյին ունեցել: Մարդիկ իրեն չէյին պատասխանում, չէյին ուզում ոգնել, ուշադրություն չէյին դարձնում: Նրանք մեռելի պես էյին:

Շունը շրջվեց և մի առ ժամանակ նայեց հին տիրոջ յեակից: Սկայֆ Միլլերը մոտենում եր ճամփի շրջադարձին: Մի աղընթարթ ել և նա կանհայտանա: Սակայն Միլլերը վոչ մի անգամ յետ չնայեց, քայլում եր հանդարտ և համաչափ, կարծես ինչ վոր կատարվում եր յետևում, նրան ամենեկին չեր հետաքրքրում:


Այդպես ել նա անհայտացավ վոլորանի յետևում: Գայլը մի ըոպե յել սպասեց — կրկին չի՞ յերևա արդյոք: Նա սպասում եր լուռ, հանդարտ, անշարժ, ինչպես քարե արձան: Նա մի կարճ հաջոց արձակեց և նո-

րից սկսեց սպասել: Հետո վազեց դեպի Ուոտ
Իրվինը, հոտոտեց նրա ձեռքը և ընկավ նրա
վտաների մոտ, աչքերը վոլսրանից չհեռաց-
նելով:


Փոքրիկ առվակը, վոր հոսում էր մամ-
ուտ քարերի միջով, հանկարծ կարծես թե
ավելի բարձր խոխոջաց: Արտուտիկները յեր-
գում եյին և ուրիշ վոչ մի ձայն չէր խան-
գարում անդորրությունը: Մեծ, դեղին թի-
թեռնիկները թռչկոտում եյին անձայն, փայլ-
փրլում արևի տակ, թագնվում ստվերում:
Մեջը մարդու վրա հաղթանակող հայացք
զցեց:

Մի քանի վայրկյանից հետո, Գայլը վեր
կացավ: Նրա բոլոր շարժումների մեջ վրձ-
ուսկանություն էր յերևում: Նա մինչև ան-
գամ տղամարդու և կնոջ վրա չնայեց:
Շունը մի բան վորոշել էր: Նրանք հասկա-
ցան: Գայլի ուշադրությունը դարձված էր
արահետի վրա: Յեվ հասկացան, վոր նրանց
համար փորձարկումն այժմ է միայն սկըս-
վում: Գայլը վազեց: Մեջը շրթունքները
յերկարացրեց, պատրաստվելով սովորական
սիրալիր շվոցով վերադարձնել նրան: Բայց
չզվացրեց: Նա ակամա նայեց ամուսնու վրա
և նրա աչքերում կարգաց հանդիմանություն:
Մեջը ծանր հառաչեց:

Շուներ հետզհետե վազքն արագացրեց:
 Վո՛չ մի անգամ յետ հնայեց: Նրա գայլի
 պոչը ձգվել էր: Մի թռիչքով Գայլը շրջա-
 դարձն անցավ ու անհայտացավ:



95



Պատ. խմբագիր՝ [REDACTED]
Տնխ. խմբագիր՝ Ս. Ա. Լ Ե Ֆ Ե Ա Ն Ե Ե Ե
Արբագրիչ՝ Ա. Ա. Ե Գ Բ Ե Բ Ե Ե Ե Ե Ե

Գլխավիճի լիազոր. Ա.—1201, հրատ. 3829
Պատվեր 1314, տրամ 3000
Պետհրատի տպարան, Յերեվան, 11 Կենտրոնացի. 4

Պատվեր 1314
Տրամ 3000
Հրատ. 3829
Յերեվան, 11 Կենտրոնացի. 4

ԳԱԱ Հիմնարար Գիտ. Գրադ.



FL0003772

ԳՆԵՅՈ ՎՈՂ.

104.

ЦЕНА

11
23276

1000

ДЖЕК ЛОНДОН
ВОЛК
ГНЗ. ССРА ЕРЕВАН

1000 3407